



KOMUNIKADO PA PRENSA

Fecha

4/11/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

KONTRÒL DI TRABOUNAN BOCA SAMI RIBA KAYA ANTOINE PIJERS/ MA PIETERNELLA

Willemstad - Minister Balborda di Ministerio di Tráfiko, Transporte i Planifikashon Urbano a hasi un kontròl awe di trabounan di mantenshon riba Kaya Antoine Pijers/Ma Pieternella na Boca Sami. E trabounan aki a kuminsá dia 29 di sèptèmber último i ta plania pa dura mas o ménos 6 siman mas.

Minister Balborda a hasi e kontròl aki pa sigurá ku e trabounan ta kanando bon i tambe pa kombersá ku habitantenan tokante esaki. Durante di su bishita, Minister Balborda a kombersá ku e trahadónan ku ta ehekutando e trabou tambe. Nan a splik'é di e último desaroyonan i a apresia su bishita. E trahadónan aki ta ehersé un trabou pisa den nos solo kayente tur dia pa garantisá ku e kaminda ta keda den bon kondishon pa hopi aña mas.

E trabounan mes ta enserá:

- kita e kapa di asphalt aktual
- saka e fundeshi bieu
- pone fundeshi nobo
- pone un kapa di asphalt nobo
- drecha e alseranan di e kaminda
- marka e kaminda ku ferf ('wegmarkering')

Servisio pa Obra Públiko ta desviando tráfiko durante di ehekushon di e trabounan i tin bòrchinan ku ta indiká e kambionan.

Minister Balborda i Servisio pa Obra Públiko ta pidi tur outomobilista pa kore ku koutela pa evitá aksidente i ta gradisí komunidad pa e koperashon i komprension demonstrá durante di e trabounan aki.